

Chasa Rumantscha en nova splendor

Grond public cun bler interess tar «portas avertas»

■ (anr/gc) L'intern da la Chasa Rumantscha a Cuira – la sedia da la Lia Rumantscha – sa preschenta oraifer suenter la renovaziun cun pliras midadas, adattaziuns e modificaziuns.

Venderdi e sonda passada ha in grond public fatg adiever dals dis da las portas avertas e prendì invista da la nova fatscha, dal cuntegn e dals indrizz en l'intern da la centrala da la Rumantschia. Il resun per il marcant edifizii en nova splendor è stà fitg positiv ed in ha laschà plaschair ed infurmar.

Visitaders e visitadras èn vegnids beneventads cordialmain dal secretari general da la LR Urs Cadruvi. La LR basegna ina chasa gist uschia. Il president da la Fundaziun Chasa Rumantscha, Gion T. Deplazes, preschenta fitg bain quel monument architectonic da gronda muntada or dal 19. tschientaner ch'è dapi 1954 en possess da la Fundaziun cun la Lia Rumantscha sco fitta-



dina principala da la chasa. L'entira renovaziun ha custà 1,3 milliuns e pudì

vegnir realisada senza daners publics. Il president da la LR, Vincent Augustin, è zunt cuntent e satisfatg che la Uniun tetgala da la Rumantschia po chasar vinavant en Chasa Rumantscha, nua che 17 personas han lur post da lavur e bleras occurrenzas e curs vegnan organisads. Ses engraziament per la renovaziun reussida drizza el a la Fundaziun Chasa Rumantscha ed a ses parsura per il grond engaschi, mo era a l'architect Leo Deplazes ed ad Andreas Gabriel, da LR, stà schef operativ tar la renovaziun.

Il gir tras la Chasa Rumantscha ha dà invista en las novas localitads e lur indrizz. Igl è vegnì bel, pratic, modern ed adattà stupent a las circumstanzas dadas. Suenter è anc vegnì purschì in program artistic cun il duo Sara Hermann e Roberto Chiriatti ed in aperitiv – e chaschun da s'inscuntrar e sa discurrer.



In public interessà tidla en ina bella sala nova l'orientaziun dal president da la Fundaziun Chasa Rumantscha Gion T. Deplazes (sura).